

報日環循

光緒十年歲次甲申閏月初貳日 禮拜六 第千二百四十一號

啟者茲汕頭金源泰船廠內等  
 志圖別業愿將船頂與省城榮  
 合富隆承受全船議實銀一  
 千二百圓七一兌經以七月初  
 十日交易清訖該艇價由榮合  
 富隆改名往各港倘日後生意  
 盈虧概與舊人金源泰無涉特  
 此聲明以免後論  
 光緒十年 七月 廿三日  
 汕頭金源泰船廠謹啟



聞新外中

演試水雷 聞有某鎮軍素嫺武畧久歷戎行戰功卓著爲某公所賞識荐於當道自領一軍以資指臂前經招募水勇未挑選前日特在白鵝潭演試有能游泳渡河者卽行收錄並以小艇相隨俾資援救是日文武各憲均親臨寓目將來練成勁旅粵垣又添一長城矣○定期閱勇 省垣各街道仰承憲諭防虞維嚴選各店之丁男爲守望之相助現已編列成冊由紳報案蕭杞山太尊特定于八月朔日親臨城西文瀾書院閱看以觀其隊伍焉亦可見粵民之踴躍從公矣○賭館械鬥 粵垣自中法戰費而後各舖戶之棧正業者貿易如常惟工藝之徒因時事維艱半多歇業由是三五成羣閒遊街道遇事生風聞前日連登基有館乃私收白鵝票者于近夜時有數人到其館內稱言義中八字來取彩銀館人謂爲假冒不與因而械鬥沿途互相追逐行人驚駭相率避道賭之滋事如此殊可慮也○批查劫案 聞有黃某爲人控告謂爲行劫渡船現其親屬來省赴府呈訴欲爲保釋蕭太尊批云昨據黃駱氏以伊子黃瑞其素安本分並無行劫西南渡船情事係被匪黨黨等情來府具呈核與所呈情節相符惟黃瑞其係在甘亞應白泥渡充當水手既稱該民等曾向甘亞應詢問西南渡船被劫時黃瑞其尚在船內工作並未告假而呈首又列有甘應姓名究竟甘應是否卽係渡主甘亞應有無

練水師以制強敵說 嘗思用兵者其戰時制勝者必審機宜故西北之陳和在驍兵東南之師和在水戰從古已然不自今始昔宣王命召公虎征淮蔡詩人詠其事曰江漢浮浮武夫滔滔又曰江漢揚揚武夫洸洸誠爲後世水戰之權輿而東南制敵之要策也我粵東地處海濱約計洋面延袤三千餘里廣州省會居其中東自惠州而潮州與閩省聯聯西自肇慶而高州雷廉與越南接壤瓊州府南澳廳則孤懸巨浸之中數十年來督撫大憲籌辦海防以省城爲外郡之中樞虎門爲省城之門戶因而議修炮臺議練水師又議購巨炮製水雷以爲守禦之備經營佈置蓋有年矣今當法人構響輕騷內地敵船日游弋於海面以窺伺我邊疆竊以炮臺修築已固巨炮水雷購置已備而訓練兵士亦已久則防敵之策皆扼在「得地而守禦尤貴得人」夫人才有限即兵之効力亦有限即兵之効力亦有限於陸戰者或不宜於水戰其長於陸陷者或不長於防守不惟不可督責以其所難尤不可冒昧使之嘗試也苟以不經習練之兵使之水戰是以兵千敵也不諳水利進退茫然用以督戰是以將千敵也夫水師能事不外明於水道審於天時凡潮汐之長短風濤之變幻沙石之深淺港汊之紛歧莫不瞭然胸中而又講求駕駛之法進止之方敵到不驚敵退不擾鎗炮交加之下卓有定見或避其鋒或挫其銳務使敵不能測計出萬全夫然後足稱水師之雄也豈若陸戰步伐貴乎整齊攻守貴乎握要鎗彈必期命中及淺擊刺必期技藝嫺熟已哉總之綠營之兵不可使兼水戰水師之兵不可使隸綠營以曹操之雄善於用兵而赤壁之役終受困於周郎夫亦以長江天塹不能飛渡而北軍素未習於水戰也漢武之擊昆明池雖曰好大喜功貽譏史冊然其志存遠矜預爲訓練非不知兵者之可同日語也今時事艱難海防緊急粵東地處海濱海面洞達敵船來往惟其所之惠潮雷廉瓊海南澳固各設重兵防守不能兼顧惟虎門沙角上下樁檣爲省垣第一重門戶黃埔常州白鵝山魚珠洲路等處爲第二重門戶而虎門外尚有焦門屋門三虎磨刀兩門均可繞至省城之右其餘沿海港汊可通內地者幾於悉數難終此誠在乎控制之得地而守禦之得人也若以召募新兵守之固未易爲功即以勇悍陸兵禦之亦不能爲力然則練水師以制強敵斯誠今日之要務歟

七月二十八日英都倫敦發來電音云昨日德奧俄諸國學士大臣經已聚會至所會議何事則不得而知也又言俄

國聖卑德羅堡報謂德俄俄三國王此次聚會欲敦友邦之誼而訂和好俾時時以玉帛相見焉二十九日倫敦電音云英國現着亞金免暖戰船前來中國海道未悉何故大抵亦爲保護商旅耳又云英將戈登於西歷八月二十六日發電致英國謂現專候英兵前來且請解銀三十萬磅往思巴處云又言戈取將於運數日即行佔據巴巴處矣○法船赴閩 法國和路達戰艦已於七月十九朝由港啟行前往福州矣未悉其將欲何爲也

民心憤激 法國水雷炮艇前在福州轟傷駁駛到港入紅礮船澳修整華人以敵船不肯代爲修葺蓋亦激於忠憤者也二十九日聞有工役謀將水雷艇攻毀有法兵聞此消息即通知水師提督提督該請本港差役爲之防護是日有小輪船兩艘載有差隊即往船澳駐守而工役之謀乃不得成焉甚可惜也水雷炮艇及法公司之和路加火船經於初一日出澳矣當和路加入澳時華人工役祇將其船底洗刷即行罷工後其船工自行油漆云亦可見民心憤激之甚斷不肯資敵人之用也彼漢奸者何獨自外生成若此哉○華兵赴杭 上海信息云七月十三日有華兵五百由陝西西安府調往杭此兵所用器械俱是舊式鎗矛聞將換用後膛鎗而礮敵更爲快利現杭有後膛鎗三萬桿云○開設商局 茲閱西貢法字報得悉法人現在海防一埠開設有商務局以辦理商務而擅通商利權是局以法員干士丹甸爲主席法員科利爾之又以克尼爲經理人云○深知大義 自中法開仗以來凡我中國士民莫不志切同仇心懷敵愾即下而至有担之夫工役之輩亦皆深知大義不肯爲敵人之用茲聞法人在港購煤屢以重價招工而挑夫無一往者於此見我國民心之愛戴君上誠千古所未有也法人不畏我鎗砲之精銳獨不畏我民心之固結哉○出入無時 茲接到淡水至近信息言駐淡水之英國砲船前經出淡水海口灣泊今復由口外進入內河停泊目下華官再行整備器具以阻塞海口日前海龍火船祇在口外灣泊落皆仍不敢駛入內河焉○截查輪船 聞中國緝私船快河於七月二十一日由北燈塔處到廈門茲據廈門信息謂當快河往牛山島之時於途中三次遇法國戰船截查且整備鎗砲有轟擊之勢盤查後始行釋去法人如此強橫真屬可惡已極安得有人持干將之劍盡斷其首以快天下之人心乎

福州近信 旅廈友人來信云前日德忌利士輪船由閩抵廈帶到郵筒言昨穆將軍回衙居民沿途踴躍接可見穆將軍之得民心矣聞閩粵勇與居民不睦何小宋制軍特調之往守金門二炮台查此二炮台曾爲法人所毀現聞經已修葺完竣可以稍資禦敵矣北直隸輪船前由粵啟行欲往上海詎至中途車心猝壞不能駛行遂

在廈門停泊而命人往上海買車心現已由福山輪船載至飭工修葺不日即可啟行前往矣邇來廈門地面因雨暘不時痾疾復作傳染甚速醫多束手莫足爲居民之憂也○台北近聞 廈門遞到信息謂接有淡水來函得悉現有法船三艘泊於基隆海面自七月初十日以來每日時間炮聲隆隆蓋法人與我師小戰也欽差督辦台防大臣劉省三爵帥率師駐於山巔而築炮台四小座於其旁俯以攻敵頗憚形勢所攝之炮皆能命中所惜者炮小力微雖中敵船不能轟沉也法船仰攻不能爲力所燃之炮皆虛發無有傷我軍者現二軍相持離離猶未決焉淡水滬尾處經已堵塞當海龍輪船到埠時已不能進口所載搭客貨物皆由駁船盤運登岸○炮船赴省 中國綏靖炮船二十九朝路經本港遽道赴羊城矣

傳聞大謬 聞西歷六月時東京有黑旗二百名降於法人目下此二百人乃法國遊擊波軒督轄帶往高波處追緝海賊大獲功效云按東京黑旗兵士向懷忠義以報効國家今竟云有二百名降歸法人爲其驅使其傳言之悞乎抑漢奸之冒認黑旗乎明眼人當必辨之○海賊猖獗 西貢法字報云聞駐廣安之法國炮船威巴接有越南船船消息謂附近廣安有中國海賊甚夥昨劫槍拖船三艘現在急威利刺及廣安近處藏匿威巴炮船得此消息即往巡緝果獲有拖船四艘所載軍火甚多越南人以其獲賊船有功遂以生太牢兩頭饋威巴脫云吁越人以海賊劫物爲慮不以法人奪地爲憂上無臥薪嘗胆之君下無同仇敵愾之民隱忍偷安不思振作越南其不國哉○死於非命 七月二十九日九龍船澳有華人工役猝焉不慎髮辮與機器相纏及至解脫則頭顱已受重傷血流如瀉矣未幾又有一工役辮髮亦遭機器糾纏致傷甚重登即殞命云○帆船出售 英國麥魁達爛船業經在廈門拍賣得銀一千七百五十圓云

同祿爲災 本港西營盤大馬路初一早一點鐘時廣源茂香店偶爾失慎致兆焚如同時朝光街茂源米棧亦遭火災立時鳴鐘告警水龍齊至拯救片時火遂熄滅而兩店已成瓦礫之場矣祝融誠披猖也哉○烟土來港 印度郵船兩艘載有鴉片烟土經於七月二十八日由加刺吉達啟行來港云○私烟被獲 木匠陸亞順與何亞堯因於七月二十五日私藏鴉片烟膏五十三兩被拘到案何堯請何尼士狀師辯駁而主控者是國家洋藥局之西員薛輔是日堂訊後官判首被告無罪得以釋放而次被告因前曾犯鴉片禁例一次輕罰銀一百圓此次大復蹈故轍遂罰銀一千圓若不完繳則繫獄六個月充作苦工所搜出之鴉片膏及煮烟器具盡行充公云○屍案判斷 昨錄威靈頓街第五十四號門牌樓上有女童墜街殞命一案二十







